

附釋音尚書注疏卷第四

大禹謨第二

○釋文徐云本虞書總為一卷凡十二卷今依七志七錄為十三卷

虞書

孔氏傳

孔穎達疏

皋陶矢厥謨

矢陳也。○皋音高陶音遙

禹成厥功

陳其成功

帝舜

申之

申重也重美二子之言。○重直用反

作大禹皋陶謨

大禹謀九

九德。○謨亦作謨

益稷

凡三篇

疏

皋陶至益稷。○正義曰皋陶為帝舜陳其謀禹為帝舜陳已成

所治水之功帝舜因其所陳從而重美之史錄其辭作大禹皋陶二篇之謨又作益稷之篇凡三篇也篇先大禹序先言皋陶者皋陶之篇皋陶自先發端禹乃然而問之皋陶言在禹先故序先言皋陶其此篇以功大為先故先禹也益稷之篇亦是禹之所陳因皋陶之言而禹論益稷在皋陶謨後故後其篇。○傳矢陳也。○正義曰矢陳釋詁文。○傳陳其成功正義曰此是謨篇禹成其功陳其言耳蒙上矢文故傳明之言陳其成功也序成在厥上傳成在下者序順上句傳從便



文故倒也。○傳申重至之言。○正義曰申重釋詁文大禹謨云帝曰俞地平天成時乃功又帝曰皋陶惟茲臣庶罔或于予正時乃功懋哉益稷云迪朕德時乃功皆是重美二子之言也。○傳大禹至九德。○正義曰二篇皆是謨也序以一謨摠二篇故傳明之大禹治水能致九功而言謨以其序有謨文故云謨也。○傳凡三篇。○正義曰益稷亦大禹所謀不言謨者禹謀言及益稷非是益稷為謀不得言益稷謨也。其篇雖有夔曰夔言樂和本非謀慮不得謂之夔謨。大

禹謨

禹稱大大其功謨謀也

疏

傳禹稱至謀也。○正義曰餘文單稱禹而此獨加大者故解之禹與

皋陶同為舜謀而禹功實大禹與皋陶竝言故也謨謀釋詁文此異於皋陶於此獨加大字與皋陶竝言故也謨謀釋詁文此三篇皆是舜史所錄上取堯事下錄禹功善於堯之知已又美所禪得人故包括上下以為虞書其事以類相從非由事之先後若其不然上篇已言舜死於此豈死後言乎此篇已言禪禹下篇豈受禪後乎明史以類聚為文計此三篇禹謨最在後以禹功大故進之於先孟子稱舜薦禹於天十有七年則禹攝一十七年舜陟方乃死不知禹征有苗在攝幾年史述禹之行事不必以日若稽古大禹而順考古道攝位之年即征苗民也。曰

文命敷於四海祇承于帝

言其外布文德教命內則敬承堯舜。文命孔

云文德教命也先儒云文命禹名

疏

曰若至于帝。正義曰史將錄禹之事故為題目之辭曰能順而考案古

道而言之者是大功之禹也此禹能以文德教命布陳於四海又能敬承堯舜外布四海內承二帝言其道周備。傳順考至言之。正義曰典是常行謨是言語故傳於典云行之於謨云言之皆是順考古道也。傳言其至堯舜。正義曰敷於四海即敷此文命故言外布文德教命也四海舉其遠地故傳以外內言之祇訓敬也禹承堯舜二帝故云敬承堯舜傳不訓祇而直言敬以易知而略之。曰后克艱厥后臣克艱厥臣

政乃又黎民敏德

敏疾也能知為君難為臣不易則其政治而眾民皆疾修德。易以政反

治直吏反

帝曰俞允若茲嘉言罔攸伏野無遺賢萬

邦咸寧

攸所也善言無所伏言必用如此則賢才在稽位天下安寧。俞羊朱反攸音由徐以帝反

于眾舍己從人不虐無告不廢困窮惟帝時

克

帝謂堯也舜因嘉言無所伏遂稱堯德以成其義考衆

反矜居

疏

曰后至時克○正義曰禹爲帝舜謀曰君能重

陵反

政教乃治則下之衆民皆化而疾修其德而帝曰然信能如

此君臣皆能自難竝願善以輔已則下之善言無所隱伏在

野無遺逸之賢賢人盡用則萬國皆安寧也爲人上者考於

衆言觀其是非舍己之非從人之是不苛虐鰥寡孤獨無所

告者必哀矜之不廢棄困苦貧窮無所依者必愍念之惟帝

堯於是能爲此行餘人所不能言克艱之不易也○傳敏疾

至修德○正義曰許慎說文云敏疾也是相傳爲訓爲君難

爲臣不易論語文能知爲君難爲臣不易則當謹慎恪勤求

賢自輔故其政自然洽矣見善則用知賢必進衆民各自舉

則皆疾修德矣此經上不言禹者承上禹事以可知而略之

○傳攸所至下安○正義曰攸所釋言文善言無所伏者言

其必用之也言之善者必出賢人之口但言之易行之難或

有人不賢而言可用也故嘉言與賢異其文也如此用善言

任賢才在位則天下安○傳帝謂至所重○正義曰舜稱爲

帝故知帝謂堯也舜因嘉言無所伏以爲堯乃能然故遂稱

堯德以成其義此禹言之義以堯之聖智無所不能惟言其

堯德以成其義此禹言之義以堯之聖智無所不能惟言其

考觀從人矜孤愍窮以為堯之美者此是凡人所輕聖人所重不虐不廢皆謂矜撫愍念之互相通也王制云少而無父謂之孤老而無子謂之獨老而無妻謂之鰥老而無夫謂之寡此四者天民之窮而無告者故此無告是彼四者彼四者而此惟言孤者四者皆孤也言孤益曰都帝德廣運足以撫之言困窮謂貧無資財也

乃聖乃神乃武乃文

益因舜言又美堯也廣謂所覆者大運謂所及者遠聖無所不

通神妙無方文經

皇天眷命奄有四海為天下

君

眷視奄同也言堯有此德故為天所命

疏

益曰至下君○正義

曰益承帝言歎美堯德曰嗚呼帝堯之德廣大運行乃聖而無所不通乃神而微妙無方乃武能克定禍亂乃文能經緯天地以此為大天顧視而命之使同有四海之內為天下之君○傳益因至禍亂○正義曰廣者闊之義故為所覆者大還者動之言故為所及者遠洪範云睿作聖言通知眾事故為無所不通案易曰神者妙萬物而為言也又曰神妙無方此言神道微妙無可比方不知其所以然易又云陰陽不測之謂神諡法云經緯天地曰文克定禍亂曰武經傳文武倒

者經取韻句傳以文重故也。傳眷視至勉舜。正義曰。詩云乃眷西顧謂視而迴首說文亦以眷為視奄同釋言文益

因帝言盛稱堯善者亦勸勉舜冀之必及堯也。禹曰惠迪吉從逆凶惟影

響。迪道也順道吉從逆凶吉凶之報若影之隨。益曰吁形響之應聲言不虛。迪徒力反響許丈反

戒哉儆戒無虞罔失法度。先吁後戒欲使聽者精其言虞度也無億度謂

無形戒於無形備慎深秉法守度言有恆。吁沉俱反度徒布虞度徒洛反。罔遊于逸罔淫

于樂。淫過也遊逸過樂敗德之原富。任賢勿貳去邪。貴所忽故特以為戒。樂音洛

勿疑疑謀勿成百志惟熙。一意任賢果於去邪疑則勿行道義所存於心

日以廣矣。去起。罔違道以干百姓之譽。干求也。失道求

呂反熙火其反。罔拂百姓以從已之欲。拂戾也專欲難成

賤之。○拂扶弗反。無怠無荒四夷來王。言天子常我慎無怠惰荒廢則四夷

歸往之。○怠音

疏

禹曰至來王。○正義曰禹因益言謀及

待情徒臥反。○報惟若影之隨形響之應聲言其無不報也。益聞禹語驚懼而言曰吁誠如此言宜誠慎之哉。所誠者當儆誠其心無億度之事謂忽然而有當誠慎之無失其守法度使行必有恒也。任用賢人勿有二心逐去回邪勿有疑惑所疑之謀勿成。用之如是則百種志意惟益廣也。無違越正道以求百姓之譽無反戾百姓以從己心之欲常行此事無怠惰荒廢則四夷之國皆來歸往之。此亦所以勸勉舜也。○傳迪道也。○正義曰釋詁文。○傳先吁至有恒。○正義曰堯典傳云吁疑怪之辭此無可怪聞善驚而為聲耳。先吁後戒者驚其言之美然後設戒辭欲使聽者精審其言虞度釋詁文無億度者謂不有此事無心億度之曲禮云凡為人子者聽於無聲視於無形戒於無形見之事言備慎深也安不忘危治不忘亂是其慎無形也法度當執守之故以秉法守度解不失言有恒也。○傳淫過至為戒。○正義曰淫者過度之意故為過也逸謂縱體樂謂適心縱體在於逸遊適心在於淫恣故以遊逸過樂為文二者敗德之源富貴所忽故特以為戒。○傳子求至賤之。○正義曰子求釋言文失道求名謂曲取人情苟悅

眾意古人賤之。○傳弗戾至戒之。○正義曰堯典已訓弗悉
戾彼謂戾朋儕此謂戾在下故詳其文耳專欲難成犯眾與
禍襄十年 禹曰於帝念哉德惟善政政在養民

左傳文 歎而言念重其言為
政以德則民懷之

水火金木土穀惟修

言養民之
本在先修

六正德利用厚生惟和

正德以率下利用以阜財厚
生以養民三者和所謂善政

九功惟敘九敎惟歌

言六府三事之功有次敘皆可
歌樂乃德政之致。○樂音洛

戒之用休董之用威勸之以九歌俾勿壞

美休

董督也言善政之道美以戒之威以督之歌以勸之
使政勿壞在此三者而已。○俾必爾反壞乎怪反

帝曰

俞地平天成六府三事允治萬世永賴時乃

功

水土治曰平五行敘曰成因禹陳九功
而歎美之言是汝之功明眾臣不及

疏

禹曰至乃
功。○正義

曰禹因益言又獻謀於帝曰嗚呼帝當念之哉言所謂德者
惟是善於政也政之所為在於養民養民者使水火金木土

穀此六事惟當修治之正身之德利民之用厚民之生此三
事惟當諧和之修和六府三事九者皆就有功九功惟使皆
有次敘九事次敘惟使皆可歌樂此乃德之所致是德能爲
善政之道終當不得怠惰但人雖爲善或寡令終故當戒勅
之念用美道使民慕美道行善又督察之用威罰言其不善
當獲罪勸勉之以九歌之辭但人君善政先致九歌成辭自
勸勉也用此事使此善政勿有敗壞之時勸帝使長爲善也
帝荅禹曰汝之所言爲然汝治水土使地平天成六府三事
信皆治理萬代長所持賴是汝之功也歸功于禹明衆臣不
及○傳歎而至懷之○正義曰於歎辭歎而言念自重其言
欲使帝念之此史以類相從共爲篇耳非是一時之事不使
念益言也禹謀以九功爲重知重其言者九功之言也○傳
言養至六府○正義曰下文帝言六府卽此經六物也六者
民之所資民非此不生故言養民之本在先修六府也府者
藏財之處六者貨財所聚故稱六府襄二十七年左傳云天
生五材民竝用之卽是水火金木土民用此自資也彼惟五
材此兼以穀爲六府者穀之於民尤急穀是土之所生故於
土下言之也此言五行與洪範之次不同者洪範以生數爲
次此以相刻爲次便文耳六府是民之急先有六府乃可施
教故先言六府後言三事也○傳止德至善政○正義曰正

德者自正其德居上位者正己以治民故所以率下人利用者謂在上節儉不爲糜費以利而用使財物殷阜利民之用爲民興利除害使不匱乏故所以阜財阜財謂財豐大也厚生謂薄征徭輕賦稅不奪農時令民生計溫厚衣食豐足故所以養民也三者和謂德行正財用利生資厚立君所以養民人君若能如此則爲君之道備矣故謂善政結上德惟善政之言此三者之次人君自正乃能正下故以正德爲先利用然後厚生故後言厚生謂財用足禮讓行也。傳言六至之致。正義曰上六下三卽是六府三事此摠云九功知六府三事之功爲九功惟敘者卽上惟修惟和爲次序事皆有敘民必歌樂君德故九敘皆可歌樂乃人君德政之致也言下民必有歌樂乃爲善政之驗所謂和樂興而頌聲作也。傳休美至而已。正義曰休美釋詁文又云董督正也是董爲督也此戒之董之勸之皆謂人君自戒勸欲使善政勿壞在此三事而已文七年左傳云晉卻缺言於趙宣子引此一經乃言九功之德皆可歌也謂之九歌若吾子之德莫可歌也其誰來之蓋使睦者歌吾子乎言九功之德皆可歌者若水能灌溉火能烹飪金能斷割木能興作土能生殖穀能養育古之歌詠各述其功猶如漢魏已來樂府之歌事歌其功用是舊有成辭人君修治六府以自勸勉使民歌詠之

三事亦然。○傳水土至不及。○正義曰釋詁云平成也是平成義同。天地文異而分之耳。天之不成由地之不平。故先言地平本之於地。以及天也。禹平水土。故水土治。曰平五行之神。佐天治物。繫之於天。故五行敘曰成。洪範云鯀殛洪水。汨陳其五。行彝倫攸斁。禹治洪水。彝倫攸敘。是禹命五行敘也。帝因禹陳九功而歎美之。指言是汝之功。明衆臣不及。帝

曰格汝。禹朕宅帝位三十有三載。耄期倦于

勤汝。惟不怠。摠朕師。八十九十曰耄。百年曰期。頤言已年老厭倦。萬機汝不懈怠於

位。稱摠我衆欲使攝。○格庚白反。朕直錦反。耄莫報反。倦其卷反。頤以之反。厭於豔反。解于賣反。禹曰朕

德罔克。民不依。皐陶邁種德。德乃降。黎民懷

之。邁行種布降下懷歸也。言已無德民所不能依。皐陶布行其德下治於民。民歸服之。○種章用反。降江巷反。

帝念哉。念茲在茲。釋茲在茲。茲此釋廢也。念此人在此功廢此人在此

罪言不可誣名。言茲在茲。允出茲在茲。惟帝念功。名言

此事必在此義信出此心亦在此義

疏

帝曰格至念功○正義曰此舜言將

言皋陶之德以義為主所宜念之○禪禹帝呼禹曰來汝禹我居帝位已三十有三載在堯期之間厭倦於勤勞汝惟在官不懈怠可代我居帝位總領我衆禹讓之曰我德實無所能民必不依就我也言已不堪總衆也○皋陶行布於德德乃下洽於民衆皆歸服之可令皋陶攝用之○釋廢此人在此罪釁知有罪乃廢之言進人退人不可誣也○名目言談此事必在此事之義而名言之若信實出見此心必在此心之義而出見之言已名言其口出見其心以舉皋陶皆在此義不有虛妄帝當念錄其功以禪之言皋陶堪攝位也○傳八十至使攝○正義曰八十九十曰耄百年曰期頤間禮文也如舜典之傳計舜年六十三即政至今九十五矣年在耄期之間故竝言之鄭云期要也顧養也○不知衣服食味孝子要盡養之道而已孔意當然○傳邁行至服之○正義曰邁行降下釋言文又云懷來也來亦歸也種物必布於地故爲布也○傳茲此至可誣○正義曰茲此釋詰文釋爲舍義故爲廢也禹之此意欲令帝念皋陶下云惟帝念功念是念功知廢是廢罪言念廢必依其實不可誣罔也○傳名言至念之○正義曰名言謂已發於口信出謂始發

於心皆據欲舉臯陶必先念慮於心而後宣之於口先言名言者已對帝讓臯陶即是名言之事故先言其意然後本其心故後言信出以義為主者言已讓臯陶事非虛妄以義為尚帝曰臯陶惟茲臣庶

罔或于予正

或有也無有干我正言順命

汝作士明于五刑

以弼五教期于予治

弼輔期當也歎其能以刑輔教當於治體○治音稚當丁浪反

又如

刑期于無刑民協于中時乃功懋哉

雖或行刑

以殺止殺終無犯者刑期於無所刑民皆命於大中之道是汝之功勉之○懋音茂

臯陶曰帝德

罔愆臨下以簡御眾以亮見

愆過也善則歸君人臣之義○愆音牽

罰

弗及嗣賞延于世

嗣亦世俱謂子延及也父子罪不相及而及其賞道德之政

宥

過無大刑故無小

過誤所犯雖大必宥不忌故犯雖小必刑○宥音又

罪疑

惟輕功疑惟重

刑疑附輕賞疑從重忠厚之至

與其殺不辜寧

失不經好生之德洽于民心茲用不犯于有

司

辜罪經常司主也皋陶因帝勉已遂稱帝之德所以明民不犯上也寧失不常之罪不枉不辜之善仁愛之道

○辜音孤
好呼報反

帝曰俾予從欲以治四方風動惟乃

之休

使我從心所欲而政以治民動順上命若草應風是汝能明刑之美

疏

帝曰皋陶至之休○正義

曰帝以禹讓皋陶故述而美之帝呼之曰皋陶惟此羣臣庶皆無敢有干犯我正道者由汝作士官明曉於五刑以輔成五教當於我之治體用刑期於無刑以殺止殺使民合於中正之道令人每事得中是汝之功當勉之哉皋陶以帝美已歸美於君曰民合於中者由帝德純善無有過失臨臣下以簡易御眾庶以優寬罰人不及後嗣賞人延於來世宥過失者無大雖大亦宥之刑其故犯者無小雖小必刑之罪有疑者雖重從輕罪之功有疑者雖輕從重賞之與其殺不辜非罪之人寧失不經不常之罪以等枉殺無罪寧妄免有罪也由是故帝之好生之德下治於民心民服帝德如此故用是不犯於有司言民之無刑非已力也帝又述之曰使我從心所欲而為政以大治四方之民從我化如風之動草惟汝

用刑之美言已知其有功也。傳弼輔至治體。正義曰書傳稱左輔右弼是弼亦輔也。期要是相當之言故爲當也。傳言當於治體言臯陶用刑輕重得中於治體與正相當也。傳雖或至勉之。正義曰言臯陶或行刑乃是以殺止殺爲罪必將被刑民終無犯者要使人無犯法是期於無所刑刑無所用此斯爲限與前經期義別而論語所謂勝殘去殺矣民皆合於大中言舉動每事得中不犯法憲是合大中即洪範所謂皇極是也。傳愆過至之義。正義曰愆過釋言文坊記云善則稱君過則稱已則民作忠是善則稱君入臣之義也。臨下據其在上御衆斥其治民簡易寬大亦不異也。論語云居敬而行簡以臨其民不亦可乎是臨下宜以簡也。又曰寬則得衆居上不寬吾何以觀之哉是御衆宜以寬也。傳嗣亦至及也。正義曰嗣謂繼父世謂後胤故俱謂子也。延訓長以長及物故延爲及也。傳辜罪至之道。正義曰辜罪釋詁文經常司主常訓也。臯陶因帝勉已遂稱帝之德所以明民不犯上者自由帝化使然非已力也不常之罪者謂罪大非尋常小罪也。枉殺無罪妄免有罪二者皆失必不得民心寧妄免大罪不枉殺無罪以好生之心故也大罪尚赦小罪可知欲極言不可枉殺不辜寧放有罪故也。故言非常大罪以對之耳。寧失不經與殺不辜相對故爲放赦罪。

人原帝之意等殺無罪寧放有罪傳言帝德之善寧失有罪
不枉殺無罪是仁愛之道各為文勢故經傳倒也治謂沾漬
優渥治於民心
言潤澤多也
帝曰來禹降水微子成允成功

惟汝賢

水性流下故曰下水微戒也能成聲教之信成治
水之功言禹最賢重美之。微居領反重直用反

克勤于邦克儉于家不自滿假惟汝賢

滿謂盈實

假大也言禹惡衣薄食卑其宮室而盡力為民執心
謙沖不自盈大。假工雅反盡津忍反為子偽反

汝惟

不矜天下莫與汝爭能汝惟不伐天下莫與

汝爭功

自賢曰矜自功曰伐言禹推善讓入而不失
其能不有其勞而不失其功所以能絕眾人

予

懋乃德嘉乃丕績天之歷數在汝躬汝終陟

元后

丕大也歷數謂天道元大也大君天子舜善禹有治
水之大功言天道在汝身汝終當升為天子。丕普

反悲人心惟危道心惟微惟精惟一允執厥中危